

"Қазақстан Республикасының Әкімшілік құқық бұзушылық туралы кодексіне жануарларға жауапкершілікпен қарау мәселелері бойынша өзгерістер мен толықтырулар енгізу туралы" Қазақстан Республикасы Заңының жобасы туралы

Қазақстан Республикасы Үкіметінің 2021 жылғы 24 қыркүйектегі № 673 қаулысы

Қазақстан Республикасының Үкіметі **ҚАУЛЫ ЕТЕДІ:**

"Қазақстан Республикасының Әкімшілік құқық бұзушылық туралы кодексіне жануарларға жауапкершілікпен қарау мәселелері бойынша өзгерістер мен толықтырулар енгізу туралы" Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

Қазақстан Республикасының
Премьер-Министрі

А. Мамин

Жоба

ҚАЗАҚСТАН РЕСПУБЛИКАСЫНЫҢ ЗАҢЫ Қазақстан Республикасының Әкімшілік құқық бұзушылық туралы кодексіне жануарларға жауапкершілікпен қарау мәселелері бойынша өзгерістер мен толықтырулар енгізу туралы

1-бап. 2014 жылғы 5 шілдедегі Қазақстан Республикасының Әкімшілік құқық бұзушылық туралы кодексіне мынадай өзгерістер мен толықтырулар енгізілсін:

1) мынадай мазмұндағы 407-1 және 407-2-баптармен толықтырылсын:

"407-1-бап. Жануарларға қатыгездікпен қарау

1. Қылмыстық жазаланатын іс-әрекет белгілері жоқ жануарларға қатыгездікпен қарау –

жеке тұлғаларға – бес, лауазымды адамдарға – он айлық есептік көрсеткіш мөлшерінде айыппұл салуға әкеп соғады.

2. Әкімшілік жаза қолданылғаннан кейін бір жыл ішінде қайталап жасалған дәл сол іс-әрекет –

жеке тұлғаларға – жиырма, лауазымды адамдарға – қырық айлық есептік көрсеткіш мөлшерінде айыппұл салуға әкеп соғады.

407-2-бап. Жануарларға қарау саласындағы заңнаманы бұзу

1. Үйде ұсталатын және қаңғыбас иттер мен мысықтарды аулау, ұстау, есепке алу, серуендету, тасымалдау, өлтіру қағидаларын бұзу –

жеке тұлғаларға – он, лауазымды адамдарға – жиырма, заңды тұлғаларға – отыз айлық есептік көрсеткіш мөлшерінде айыппұл салуға әкеп соғады.

2. Осы баптың бірінші бөлігінде көзделген, әкімшілік жаза қолданылғаннан кейін бір жыл ішінде қайталап жасалған әрекеттер –

жеке тұлғаларға – жиырма, лауазымды адамдарға – отыз, заңды тұлғаларға – қырық айлық есептік көрсеткіш мөлшерінде айыппұл салуға әкеп соғады.";

2) 408-бап мынадай редакцияда жазылсын:

"408-бап. Ауыл шаруашылығы жануарларын жаю қағидаларын бұзу

1. Облыстардың, республикалық маңызы бар қалалардың және астананың жергілікті өкілді органдары белгілеген ауыл шаруашылығы жануарларын жаю қағидаларын бұзу

—

үш айлық есептік көрсеткіш мөлшерінде айыппұл салуға әкеп соғады.

2. Жеке тұлғалардың мүлкіне залал келтіруге әкеп соққан дәл сол әрекеттер – он айлық есептік көрсеткіш мөлшерінде айыппұл салуға әкеп соғады.";

3) 685-баптың бірінші бөлігі "396 (бірінші бөлігінде)," деген сөздерден кейін "407-2, " деген цифрлармен толықтырылсын;

4) 709-бапта:

бірінші бөлік "396 (бірінші бөлігінде)," деген сөздерден кейін "407-1, 407-2 және 408," деген цифрлармен толықтырылсын;

екінші бөлікте:

1) тармақша "396 (бірінші бөлігінде)," деген сөздерден кейін "407-1, 407-2 және 408, " деген цифрлармен толықтырылсын;

2), 3) 4) тармақшалар "388" деген цифрлардан кейін ", 407-1, 407-2 және 408" деген цифрлармен толықтырылсын;

5) 729-бапта:

бірінші бөлік "405," деген цифрлардан кейін "407-1, 407-2 және 408" деген цифрлармен толықтырылсын;

үшінші бөлік "386," деген цифрлардан кейін "407-1, 407-2," деген цифрлармен толықтырылсын.

2-бап. Осы Заң алғашқы ресми жарияланған күнінен кейін күнтізбелік он күн өткен соң қолданысқа енгізіледі.

*Қазақстан Республикасының
Президенті*